

Kempen Pegangan Produk Kekayaan

Terma dan Syarat

1. "Kempen Pegangan Produk Kekayaan" ("**Kempen**") dianjurkan oleh Alliance Bank Malaysia Berhad dan Alliance Islamic Bank Berhad ("**Bank**") dan akan berlangsung dari 1 April 2025 hingga 31 Mac 2026 (termasuk kedua-dua tarikh) atau tempoh lain yang mungkin dimaklumkan oleh Bank dari semasa ke semasa ("**Tempoh Kempen**").
2. Dengan menyertai Kempen ini, Pelanggan Yang Layak (seperti yang ditakrifkan di bawah) telah membaca dengan teliti dan memahami sepenuhnya semua Terma dan Syarat yang terkandung di sini dan bersetuju sepenuhnya untuk terikat dengan dan menerima semua Terma dan Syarat.

Kelayakan

3. Kempen ini terbuka kepada semua pelanggan individu baharu dan sedia ada ("**Pelanggan Yang Layak**").
4. Walaupun memenuhi yang tersebut di atas, individu berikut tidak layak untuk menyertai Kempen ini:
 - a. Pekerja tetap dan/atau pekerja kontrak Bank
 - b. Pelanggan yang mempunyai akaun dormant atau tidak aktif dengan Bank atau yang telah melanggar sebarang perjanjian dengan Bank;
 - c. Pelanggan yang mempunyai akaun tertunggak atau tidak dikendalikan secara memuaskan dengan Bank;
 - d. Individu yang tidak mampu dari segi kewangan atau yang dihukum bankrap;
 - e. Pelanggan Bank yang ingkar dalam sebarang kemudahan yang diberikan oleh Bank (termasuk subsidiari dan syarikat berkaitan) pada bila-bila masa sebelum atau semasa Tempoh Kempen;
 - f. Mana-mana individu lain yang ditentukan oleh Bank untuk dikecualikan mengikut polisi dalamannya;
 - g. Entiti bukan individu termasuk tetapi tidak terhad kepada pemilikan tunggal, perkongsian, organisasi/pertubuhan kebajikan/bukan untung, pelanggan korporat dan komersial, syarikat tersenarai awam dan syarikat sendirian berhad, kelab, persatuan dan koperasi.

Mekanik Kempen

5. Pelanggan Yang Layak berhak mendapat ganjaran tunai sehingga jumlah maksimum RM750 seperti yang dinyatakan dalam **Jadual 1** di bawah ("**Ganjaran Tunai**") apabila Pelanggan Yang Layak memenuhi Syarat Produk Kekayaan Sertaan masing-masing yang disenaraikan dalam **Jadual 2** di bawah semasa Tempoh Kempen.

Jadual 1

Jumlah Produk Kekayaan Sertaan yang Dilanggan	Ganjaran Tunai	Had Kempen
1	RM100	Terhad kepada 2,500 pelanggan pertama sahaja
2	RM250	Terhad kepada 400 pelanggan pertama sahaja
3	RM450	Terhad kepada 100 pelanggan pertama sahaja
4	RM750	Terhad kepada 20 pelanggan pertama sahaja

Jadual 2

No.	Produk Kekayaan Sertaan	Syarat Produk Kekayaan Sertaan
1	Unit Amanah	• Pelanggan Yang Layak mesti merupakan pelanggan Unit Amanah Baharu iaitu pelanggan baharu dan sedia ada yang tidak mempunyai akaun/profil/ rekod Unit Amanah sedia ada dalam sistem perbankan kami pada 31 Mac 2025. • Melabur sekurang-kurangnya RM10,000 dalam transaksi tunggal dana Unit Amanah terpilih dengan caj jualan 3% dan ke atas. • Unit Amanah dikenal pasti berdasarkan tarikh peruntukan transaksi. • Bagi Unit Amanah dalam mata wang asing, Akaun Unit Amanah akan berasaskan nilai mata wang tempatan yang setara. • Pelanggan Yang Layak mesti merupakan pemegang akaun utama bagi Akaun Unit Amanah. Bagi Pelanggan Yang Layak yang memegang akaun secara bersama dengan pihak lain, semua akaun sedemikian akan dianggap sebagai satu akaun tunggal sahaja, berdasarkan nama pemegang akaun utama.

		• Sekiranya pelaburan dalam Unit Amanah menggunakan pengeluaran daripada Kumpulan Wang Simpanan Pekerja (KWSP) dan/atau melaksanakan hak tempoh bertenang dalam tempoh bertenang, Pelanggan Yang Layak tidak akan layak untuk Ganjaran Tunai.
2	Sekuriti Runcit/Sukuk Runcit	• Pelanggan Yang Layak mesti merupakan pelanggan Sekuriti Runcit/Sukuk Runcit Baharu iaitu pelanggan baharu dan sedia ada yang tidak mempunyai akaun/profil/rekod Sekuriti Runcit/Sukuk Runcit sedia ada dalam sistem perbankan kami pada 31 Mac 2025. • Melabur sekurang-kurangnya RM250,000 bagi Sekuriti Runcit/Sukuk Runcit Denominasi Ringgit ("RM Sekuriti Runcit/Sukuk Runcit") dan RM150,000 atau yang setara dengannya bagi Sekuriti Runcit Denominasi Mata Wang Asing ("FCY Sekuriti Runcit") (* amaun minimum untuk FCY Sekuriti Runcit tertakluk kepada terbitan Sekuriti Runcit masing-masing) dalam transaksi tunggal Sekuriti Runcit/Sukuk Runcit terpilih dengan margin/sebaran jualan 1.50% dan ke atas. • Sekuriti Runcit/Sukuk Runcit dikenal pasti berdasarkan tarikh peruntukan transaksi. • Bagi Sekuriti Runcit dalam mata wang asing, Akaun Sekuriti Runcit akan berasaskan nilai mata wang tempatan yang setara. • Pelanggan Yang Layak mesti merupakan pemegang akaun utama bagi Akaun Sekuriti Runcit/Sukuk Runcit. Bagi Pelanggan Yang Layak yang memegang akaun secara bersama dengan pihak lain, semua akaun sedemikian akan dianggap sebagai satu akaun tunggal sahaja, berdasarkan nama pemegang akaun utama.
3	Pelaburan Berstruktur	• Pelanggan Yang Layak mesti merupakan pelanggan Pelaburan Berstruktur Baharu iaitu pelanggan baharu dan sedia ada yang tidak mempunyai akaun/profil/rekod Pelaburan Berstruktur sedia ada dalam sistem perbankan kami pada 31 Mac 2025. • Melabur sekurang-kurangnya RM50,000 dalam transaksi tunggal Pelaburan Berstruktur terpilih dengan margin jualan 1.20% dan ke atas. • Pelaburan Berstruktur dikenal pasti berdasarkan tarikh peruntukan transaksi. • Pelanggan Yang Layak mesti merupakan pemegang akaun utama bagi Akaun Pelaburan Berstruktur. Bagi Pelanggan Yang Layak yang memegang akaun secara bersama dengan pihak lain, semua akaun sedemikian akan dianggap sebagai satu akaun tunggal sahaja, berdasarkan nama pemegang akaun utama.
4	Bankasurans Premium Berkala	• Pelanggan Yang Layak mesti merupakan pelanggan Bankasurans Premium Berkala Baharu iaitu pelanggan baharu dan sedia ada yang tidak mempunyai akaun/profil/rekod Bankasurans Premium Berkala sedia ada dalam sistem perbankan kami pada 31 Mac 2025. • Permohonan Bankasurans Premium Berkala baharu dengan premium tahunan sekurang-kurangnya RM10,000 mesti diserahkan kepada dan diterima oleh Manulife Insurance Berhad dalam Tempoh Kempen dan diterbitkan dan/atau dikeluarkan pada atau sebelum 15 April 2026. • Bankasurans Premium Berkala dikenal pasti berdasarkan tarikh terbitan polisi. • Pelanggan Yang Layak mesti merupakan pemegang polisi Bankasurans Premium Berkala. • Sekiranya permohonan atau polisi insurans ditolak, ditamatkan, dibatalkan, berada dalam tempoh bertenang atau luput dalam Tempoh Kempen, Pelanggan Yang Layak tidak akan layak untuk Ganjaran Tunai.

6. Senarai Produk Kekayaan Sertaan tersedia di cawangan dan/atau dengan menghubungi Pengurus Perhubungan.
7. Jumlah Produk Kekayaan Sertaan yang dilanggan oleh Pelanggan Yang Layak akan diikuti dalam tempoh 180 hari kalendar dari tarikh langganan Produk Kekayaan Sertaan yang pertama.
8. Sekiranya Pelanggan Yang Layak telah melanggan lebih daripada satu (1) Produk Kekayaan Sertaan dari jenis yang sama semasa Tempoh Kempen, jumlah langganan Produk Kekayaan Sertaan hanya akan dikira sekali sahaja.
9. Ganjaran Tunai adalah atas dasar tiba dahulu layan dahulu, mengikut tarikh peruntukan transaksi Unit Amanah, Sekuriti Runcit/Sukuk Runcit, Pelaburan Berstruktur dan/atau tarikh terbitan Bankasurans

Premium Berkala. Kempen akan tamat apabila Bank telah mencapai had Ganjaran Tunai seperti yang ditunjukkan dalam Jadual 1 atau pada penghujung Tempoh Kempen, yang mana dahulu.

10. *Setiap Pelanggan Yang Layak hanya layak mendapat Ganjaran Tunai sekali sahaja sepanjang Tempoh Kempen.*
11. *Ganjaran Tunai akan dikreditkan ke dalam Akaun Semasa atau Simpanan ("CASA/-i") (tidak termasuk Akaun Pembiayaan Margin Saham, Savelink, Mata Wang Asing) yang dikekalkan oleh Pelanggan Yang Layak dalam tempoh enam puluh (60) hari kalendar selepas memenuhi Klausula 5 dan Klausula 7.*
12. *Pelanggan Layak mesti mengekalkan CASA/-i yang aktif dan sah dengan Bank, jika tidak, Ganjaran Tunai akan dilucuthakkan.*
13. *Sekiranya Pelanggan Yang Layak mempunyai lebih daripada satu (1) CASA/-i, CASA/-i dengan baki Akhir Hari ("EOD") tertinggi pada masa pengekstrakan data akan dikreditkan dengan Ganjaran Tunai.*
14. *Bagi Pelanggan Yang Layak yang memegang akaun secara bersama dengan pihak lain, semua akaun sedemikian akan dianggap sebagai satu akaun tunggal sahaja, berdasarkan nama pemegang akaun utama. Bagi akaun bersama, Ganjaran Tunai akan diberikan kepada pemegang akaun utama sahaja.*
15. *Pelanggan Yang Layak mesti merupakan pemegang akaun utama bagi produk yang dilanggan dan sepadan dengan nama pemegang akaun utama bagi CASA/-i untuk menikmati Ganjaran Tunai.*
16. *Pelanggan Yang Layak akan dimaklumkan oleh Pengurus Perhubungan masing-masing apabila Ganjaran Tunai berjaya dikreditkan.*
17. *Ganjaran Tunai tidak boleh dipindah milik dan tidak boleh ditukar dalam apa-apa bentuk sekalipun. Bank tidak akan melayan sebarang permintaan daripada mana-mana Pelanggan Yang Layak atau mana-mana pihak lain untuk memberi atau menukar Ganjaran Tunai kepada mana-mana pihak ketiga .*

Am

18. *Jika Pelanggan Yang Layak menyertai beberapa kempen atau promosi pada masa yang sama, Pelanggan Yang Layak hanya berhak menerima Ganjaran Tunai di bawah salah satu kempen atau promosi yang disertai. Bank berhak untuk memutuskan kempen atau promosi yang akan digunakan untuk Pelanggan Yang Layak yang berkenaan.*
19. *Bank berhak membatalkan kelayakan mana-mana Pelanggan Yang Layak atau menarik balik Ganjaran Tunai dalam keadaan di mana terdapat transaksi penipuan, tanpa kebenaran atau pembalikan atau pelanggaran atau kemungkinan pelanggaran Terma dan Syarat Kempen ini mengikut polisi dalaman Bank. Semua rekod Bank untuk transaksi yang dilakukan adalah muktamad dan terakhir.*
20. *Terma dan Syarat ini merupakan tambahan kepada dan tidak mengurangkan mana-mana satu atau lebih Terma dan Syarat dan/atau garis panduan sedia ada yang mentadbir dan/atau mengawal selia operasi dan/atau penyelenggaraan akaun atau sebaliknya.*
21. *Semua keputusan yang dilakukan oleh Bank berkenaan dengan Kempen ini adalah muktamad dan akan mengikat Pelanggan Yang Layak. Sebarang surat-menyurat, rayuan atau pertikaian mengenai perkara yang sama tidak akan dilayan.*
22. *Bank berhak untuk menambah, mengeluarkan, mengubah dan/atau meminda Terma dan Syarat, secara keseluruhan atau sebahagian, dengan memberi notis di laman web Bank di www.alliancebank.com.my sebelum perubahan tersebut. Sekiranya terdapat sebarang percanggahan antara Terma dan Syarat di sini dan versi yang dikemas kini, syarat yang terkini akan digunapakai tetapi hanya setakat percanggahan tersebut.*
23. *Sebarang pembatalan, penamatan, penggantungan atau pelanjutan Tempoh Kempen tidak melayakkan Pelanggan Yang Layak melakukan sebarang tuntutan atau pampasan terhadap Bank untuk sebarang kerugian, ganti rugi, kos atau perbelanjaan yang dialami atau ditanggung oleh Pelanggan Yang Layak sebagai akibat secara langsung atau tidak langsung daripada pembatalan, penamatan, penggantungan atau pelanjutan disebabkan oleh tindakan Pelanggan Yang Layak sendiri.*

24. Bank tidak bertanggungjawab atau menanggung sebarang liabiliti (termasuk tetapi tidak terhad kepada kehilangan pendapatan, keuntungan atau nama baik, secara langsung atau tidak langsung, kebetulan, turutan, teladan, punitif, atau ganti rugi khas atau prosiding yang dikemukakan oleh mana-mana pihak termasuk pihak ketiga) yang timbul atau ditanggung oleh Pelanggan Yang Layak atau pihak lain, yang disebabkan secara langsung atau tidak langsung daripada Kempen ini.
25. Segala Terma dan Syarat termasuk penambahan, pengeluaran, perubahan dan/atau pindaan yang dibuat berkenaan dengannya dari semasa ke semasa akan ditadbir dan ditafsir mengikut undang-undang Malaysia.
26. Dengan menyertai Kempen ini, Pelanggan Yang Layak bersetuju bahawa mereka telah membaca Notis dan Pilihan Penyata Prinsipal yang terdapat di laman web Bank <https://www.alliancebank.com.my/Notice-and-Choice-Principle-Statement-Personal-Data-Protection-Act-2010> dan dengan ini memberi persetujuan dan kebenaran kepada Bank mendedahkan butiran mereka kepada mana-mana penyedia perkhidmatan pihak ketiga yang digunakan oleh Bank untuk tujuan Kempen ini.
27. Bank telah memperkenalkan dan mengekalkan polisi dan prosedur yang direka untuk mencegah sogokan dan rasuah oleh Bank dan para pengarah, pegawai atau pekerja; dan sepanjang pengetahuan Bank, Bank mahupun mana-mana pengarah, pegawai, atau pekerja Bank tidak terlibat dalam sebarang aktiviti atau kelakuan yang melanggar sebarang undang-undang atau peraturan anti rasuah dan sogokan yang digunapakai oleh Bank. Bank tidak, dan berjanji bahawa ia tidak akan, berhubung dengan pengendalian aktiviti perniagaannya, berjanji, membenarkan, mengesahkan atau menawarkan untuk membuat, atau mengambil apa-apa tindakan untuk meneruskan sebarang pembayaran, sumbangan, hadiah, pembayaran balik atau pemindahan apa-apa yang bernilai, atau sebarang permintaan, secara langsung atau tidak langsung kepada mana-mana individu.
28. Dengan menyertai Kempen ini, Pelanggan Yang Layak dengan ini mengakui bahawa beliau telah dimaklumkan tentang ringkasan polisi anti rasuah dan sogokan Bank yang terdapat di <https://www.alliancebank.com.my/Anti-Bribery-and-Corruption-Summary-of-Policy> dan seterusnya berjanji tidak akan terlibat dalam amalan rasuah tersebut dalam apa-apa cara sekalipun sama ada secara langsung atau tidak langsung dengan mana-mana pengarah, pegawai atau pekerja Bank.
29. Untuk Produk Pelaburan:
- (a) Untuk pelaburan dalam mata wang asing, Akaun Pelaburan adalah berasaskan mata wang tempatan yang setara.
 - (b) Pelanggan Yang Layak mengakui bahawa pelaburan dalam mata wang asing adalah tertakluk kepada Notis Pertukaran Asing yang lazim di bawah Akta Perkhidmatan Kewangan 2013. Bergantung pada status pemastautin Pelanggan Layak, dan sama ada Pelanggan Layak mempunyai Peminjaman/Pembiayaan Ringgit Domestik, pelaburan dalam mata wang asing mungkin akan dikenakan had.
 - i. Pelanggan Layak Pemastautin yang tidak mempunyai Peminjaman/Pembiayaan Ringgit Domestik¹ dibenarkan untuk meminjam sebarang jumlah dalam aset mata wang asing di dalam dan di luar negara; atau
 - ii. Pelanggan Layak Pemastautin yang mempunyai Peminjaman/Pembiayaan Ringgit Domestik¹ dibenarkan untuk meminjam:
 - Sebarang jumlah menggunakan dana mata wang asing yang tersedia; atau
 - Sehingga RM1 juta bersamaan secara agregat pada dasar individu bagi setiap tahun kalendar menggunakan:
 - Dana mata wang asing yang diperoleh daripada penukaran ringgit;
 - Sebarang pemindahan daripada Akaun Mata Wang Asing Perdagangan ("TFCA") kepada Akaun Mata Wang Asing Pelaburan ("IFCA");
 - Melalui penukaran aset kewangan;
 - Sehingga RM10 juta bersamaan secara agregat bagi pinjaman/biaya mata wang asing yang diperoleh pemastautin daripada Bank Dalam Pesisir Berlesen ("LOB") atau bukan pemastautin.
 - (c) Pelanggan Yang Layak bersetuju bahawa jika Jumlah Pelaburan melebihi sebarang had yang ditetapkan oleh Notis Pertukaran Asing, Bank boleh mendebit akaun, menukar lebihan kepada Ringgit pada kadar belian lazim Bank yang berkenaan dan mengkreditkan akaun Ringgit Pelanggan Yang Layak dengan Bank.
30. Pelanggan Yang Layak mesti menandatangani semua dokumen standard yang berkaitan dan mematuhi segala terma dan syarat yang terpakai pada Produk Sertaan beliau di bawah Kempen, yang berasingan

daripada terma dan syarat di sini. Dengan menyertai Kempen ini, Pelanggan Yang Layak mengakui bahawa mereka telah memahami, menerima dan bersetuju untuk terikat dengan segala Terma dan Syarat.

¹Peminjaman/Pembiayaan Ringgit Domestik merujuk kepada:

- i. sebarang kemudahan kredit atau kemudahan pembiayaan Ringgit yang digunakan atau tidak digunakan, kemudahan pembiayaan perdagangan, termasuk tetapi tidak terhad kepada jaminan perdagangan untuk pembayaran barangan, saham keutamaan boleh tebus, saham keutamaan boleh tebus Islam, Bon Korporat atau Sukuk yang diperoleh Pemastautin daripada Pemastautin lain **tidak termasuk**:
 - (a) tempoh kredit perdagangan yang dilanjutkan oleh pembekal untuk apa-apa barangan atau perkhidmatan;
 - (b) had kredit yang dibahagikan oleh Bank Dalam Pesisir Berlesen ("LOB") untuk pelanggannya menjalankan transaksi Asas Hadapan, tidak termasuk transaksi yang melibatkan pertukaran atau penukaran hutang Ringgit atau Mata Wang Asing kepada hutang Mata Wang Asing yang lain atau pertukaran hutang Mata Wang Asing dengan hutang Ringgit;
 - (c) Jaminan Kewangan atau Jaminan Bukan Kewangan;
 - (d) kemudahan pajakan operasi;
 - (e) kemudahan pefaktoran tanpa bantuan;
 - (f) kemudahan kredit atau kemudahan pembiayaan yang diperoleh Pemastautin Individu daripada Pemastautin untuk membeli satu (1) harta kediaman dan satu (1) kenderaan; atau
 - (g) kemudahan kad kredit dan kad caj yang diperoleh Pemastautin Individu daripada Pemastautin dan digunakan untuk pembayaran barangan dan perkhidmatan runcit sahaja.
- ii. apa-apa kewajipan yang dipertimbangkan atau dianggap sebagai Peminjaman/Pembiayaan Ringgit Domestik di bawah sebarang Notis Polisi Pertukaran Asing.

Pencegahan dan Pengurangan Penipuan Perbankan dan 'Scam' Kewangan

31. Pihak Bank mungkin dari semasa ke semasa menyediakan maklumat atau kandungan terkini untuk mendidik dan mewujudkan kesedaran kepada Pelanggan Yang Layak mengenai langkah-langkah pencegahan dan pengurangan risiko terhadap penipuan perbankan. Ini adalah tertakluk tetapi tidak terhad kepada tip keselamatan, kemas kini terhadap perisian/ sistem pengendalian/ aplikasi/ versi baharu, dan keperluan peraturan terpakai dari badan-badan pengawalseliaan.
32. Pelanggan Yang Layak hendaklah memastikan kesemua instrumen perbankan contohnya buku cek/helaian cek, token keselamatan, kad debit, PIN perbankan telefon, bukti kelayakan log masuk perbankan internet dan mudah alih, dan kod kebenaran transaksi (TAC) adalah berada dalam jagaan selamat. Jika Pelanggan Yang Layak menyedari berlaku mana-mana urus niaga atau akses seperti yang disenaraikan di atas adalah didapati hilang atau tidak dibenarkan, Pelanggan Yang Layak mestilah dengan serta-merta melaporkannya kepada pihak Bank. Pelanggan Yang Layak tidak akan bertanggungjawab atas kerugian yang timbul berikutan daripada urusniaga yang tidak dibenarkan setelah didapati Pelanggan Yang Layak telah memaklumkan kepada pihak Bank menurut Terma dan Syarat ini sekiranya terdapat sebarang kehilangan, disalahgunakan, dicuri, terjejas atau di langgar terhadap mana-mana instrumen perbankan Pelanggan Yang Layak seperti yang tertera di atas.
33. Jika terdapat apa-apa kerugian atau kerosakan yang dialami oleh Pelanggan Yang Layak adalah semata-mata disebabkan oleh kelalaian sengaja oleh pihak Bank, pihak Bank secara tunggal atau keseluruhan liabiliti (berkenaan dengan satu atau lebih daripada satu tuntutan) kepada Pelanggan Yang Layak sama ada dalam bentuk kontrak atau tort tidak melebihi jumlah amaun transaksi terhadap tuntutan atau apa-apa tuntutan atau ganti rugi yang di alami, yang mana lebih rendah. Bank tidak akan dipertanggungjawabkan terhadap apa-apa kerugian perniagaan, kerugian keuntungan, pendapatan atau nama baik, kehilangan data, secara tidak langsung, kerugian turutan, khas atau luar jangka, liabiliti, tuntutan, kerugian, perbelanjaan, pembayaran, anugerah, penalti, prosiding dan kos tanpa mengambil kira sama ada kerugian atau ganti rugi tersebut berkemungkinan telah didedahkan, atau telah diramalkan secara munasabah oleh pihak Bank.
34. Apabila sesuatu kejadian telah dimaklumkan oleh Pelanggan Yang Layak, pihak Bank akan melaksanakan penyiasatan dan Pelanggan di minta untuk menyediakan maklumat yang mencukupi dan berkerjasama untuk memudahkan penyiasatan. Pihak Bank diberikan kuasa untuk menjalankan pengesanan ke atas pencegahan dan pengurangan penipuan perbankan seperti langkah-langkah berikut (dengan/tanpa kebenaran daripada Pelanggan Yang Layak) semasa pihak Bank menjalankan penyiasatan:
 - i. Menggantung atau membekukan akaun yang terjejas;

- ii. Menarik balik atau membatalkan perkhidmatan yang boleh diakses oleh Pelanggan Yang Layak melalui Internet atau perkhidmatan Perbankan Mudah Alih; dan/atau
- iii. Menarik balik kesahan semua instrumen perbankan;
dan Pelanggan Yang Layak akan dimaklumkan setelah kesemua perkara diatas telah dikendalikan.

Produk deposit dilindungi oleh Perbadanan Insurans Deposit Malaysia setakat RM250,000 untuk setiap pendeposit.

Manulife Insurance Berhad adalah ahli PIDM.

Produk Bankasurans Premium Berkala Berkaitan Pelaburan

Perlindungan PIDM untuk manfaat yang dibayar daripada bahagian unit polisi adalah tertakluk kepada syarat-syarat tertentu. Sila rujuk Brosur Sistem Perlindungan Manfaat Takaful dan Insurans PIDM atau hubungi Manulife Insurance Berhad atau PIDM (layari www.pidm.gov.my).

Produk Bankasurans Premium Berkala Tidak Berkaitan Pelaburan

Manfaat-manfaat yang dibayar di bawah produk yang layak dilindungi oleh PIDM sehingga had perlindungan. Sila rujuk Brosur Sistem Perlindungan Manfaat Takaful dan Insurans PIDM atau hubungi Manulife Insurance Berhad atau PIDM (layari www.pidm.gov.my).

PENAFIAN UNTUK PRODUK BANKASURANS

Sebelum membeli polisi insurans, anda dinasihatkan untuk merujuk kepada terma dan syarat yang terkandung dalam Brosur Produk, Lembaran Maklumat Produk dan Ilustrasi Produk bagi mendapatkan maklumat lanjut mengenai ciri-ciri penting dan pengecualian utama pelan insurans tersebut.

Produk insurans ini ditaja jamin oleh Manulife Insurance Berhad (200801013654 (814942-M)), sebuah syarikat insurans berlesen yang dikawal selia oleh Bank Negara Malaysia dan diedarkan oleh Alliance Bank Malaysia Berhad ("Bank") (198201008390 (88103-W)). Bank tidak menerima tanggungjawab atau liabiliti untuk pelan atau produk dan perkhidmatan yang ditawarkan oleh Manulife Insurance Berhad.

PENAFIAN UNTUK PRODUK PELABURAN

- Maklumat yang terkandung disini adalah untuk rujukan dan tujuan maklumat am sahaja dan ia tidak boleh ditafsirkan sebagai tawaran untuk menjual, permintaan untuk membeli atau melanggan mana-mana Produk Pelaburan.
- Produk pelaburan bukanlah kewajipan bank, tidak dijamin atau diinsuranskan oleh bank dan adalah tertakluk kepada risiko pelaburan (contohnya, risiko pasaran, risiko mata wang dan risiko kredit pengeluaran) termasuk kemungkinan kerugian jumlah prinsipal yang dilaburkan.
- Pelabur dinasihatkan untuk membaca, memahami dan mengkaji dengan teliti faktor risiko yang dinyatakan dalam kandungan dokumen berkaitan produk pelaburan masing-masing termasuk tetapi tidak terhad kepada prospektus atau memorandum maklumat serta lembaran sorotan produk sebelum melabur. Untuk maklumat lanjut dan mendapatkan salinan Prospektus atau Memorandum Maklumat atau Helaiian Sorotan Produk, sila lawati cawangan terdekat atau rujuk dengan Pengurus Perhubungan / Kakitangan Jualan kami.
- Pelabur juga perlu mempertimbangkan semua yuran dan caj yang terlibat sebelum melabur. Prestasi masa lampau produk pelaburan bukanlah petunjuk bagi prestasi masa hadapan.
- Pelabur perlu mempertimbangkan dengan teliti sama ada sebarang pandangan pelaburan atau produk pelaburan adalah sesuai memandangkan pengalaman pelaburan, objektif, sumber kewangan dan keadaan yang berkaitan mereka sendiri. Jika ada sebarang keraguan, pelabur harus mendapatkan nasihat profesional bebas.
- Produk pelaburan tidak dilindungi oleh Perbadanan Insurans Deposit Malaysia (PIDM).